



DEWAN BANDARAYA KOTA KINABALU (KOTA KINABALU CITY HALL)

No. 1, Jalan Bandaran, 88675 Kota Kinabalu, Sabah, MALAYSIA.
Tel.: 088-521800 (HQ), 6088-244000 (CPS) Faks: 088-233815, 219175, 316137
<http://www.dbkk.sabah.gov.my>

DBKK/ JPSM : 100-18/7/17

PEKELILING PERKHIDMATAN DEWAN BANDARAYA KOTA KINABALU BILANGAN 1/2013

POLISI DAN KODA AMALAN PENCEGAHAN DAN PENGURUSAN HIV / AIDS DEWAN BANDARAYA KOTA KINABALU

TUJUAN

Tujuan polisi dan koda amalan ini adalah bertujuan untuk menerangkan pendirian dan komitmen Dewan Bandaraya Kota Kinabalu tentang pencegahan dan pengurusan HIV/AIDS di Dewan Bandaraya Kota Kinabalu.

POLISI

1. Pihak pengurusan dan anggota perkhidmatan bertanggungjawab untuk mempertingkatkan suasana persekitaran kerja yang selamat dan sihat termasuk memastikan wujudnya langkah-langkah pengawasan HIV/AIDS yang berkesan dan penyediaan kelengkapan perlindungan diri serta pertolongan kecemasan.
2. Pihak pengurusan bertanggungjawab untuk mengenalpasti pekerjaan dan aktiviti di tempat kerja yang mungkin menimbulkan risiko jangkitan dan penularan HIV/AIDS dan mengambil tindakan yang perlu untuk mengelakkan risiko jangkitan dan penularan HIV/AIDS.
3. Pihak pengurusan akan memberi latihan asas dan taklimat kesedaran keselamatan serta kesihatan dari masa ke masa untuk meningkatkan lagi kefahaman dan tahap pendedahan semua anggota perkhidmatan tentang penjagaan kesihatan diri melalui program yang berkaitan HIV/AIDS agar semua anggota perkhidmatan dapat bekerja dengan baik dan tidak menjejaskan produktiviti kerja dan kehidupan seharian mereka.
4. Pihak pengurusan akan membantu anggota perkhidmatan yang ingin menjalankan ujian saringan bagi HIV/AIDS dan mendapat khidmat kaunseling jika diperlukan.
5. Pihak pengurusan akan mewujudkan sistem sokongan di tempat kerja dan seterusnya mencegah diskriminasi dan sikap memandang aib terhadap anggota perkhidmatan yang menghadapi HIV/AIDS di kalangan semua anggota perkhidmatan.
6. Pihak pengurusan akan memastikan semua maklumat tentang anggota perkhidmatan yang menghadapi HIV/AIDS adalah sulit.

TARIKH KUAT KUASA

Pekeliling ini berkuatkuasa mulai dari 02 Februari 2016.

(DATUK YEO BOON HAI)
MAYOR DEWAN BANDARAYA KOTA KINABALU



Certified To ISO 9001 : 2008
Cert. No. : MY-AR-4890

